

اعتراف

شعر
فتحیه السعيد



بطاقة فهرسة

حقوق الطبع محفوظة

مكتبة جزيرة الورد

اسم الكتاب : اعتراف

المؤلف : فتحية السعيد

رقم الإيداع : ٢٣١٠٥ / ٢٠١٦ م

الترقيم الدولي: ٩٧٨-٩٧٧-٦٥٦٥-٤٦-٣



مكتبة خزانة الورود

القاهرة: ميدان حليم خلف بنك فيصل
ش. ٦٦ يوتيوم ميدان الأنجورا تـ : ٢٩-٠١-٥٥٥٧٣٨٤

الطبعة الأولى ٢٠١٦

إهداء

إلى أُملي في الحياة، إلى الشمعة التي أنارت أمامي الطريق ، إلى من منحتني الأمل في الحياة رغم قسوتها، إلي من كانت لي الدافع والحافز والسند للوصول إلى أهدافي، إلى من استمرت في التضحية وقدمت العون والمساعدة عن طيب خاطر، إلى من استحققت ابتهالاتي وتضرعي للمولي العلي القدير أن يحفظها من كل شر وهو خير الحافظين، إلى من كان اسمها مصباح الأمل الوحيد في ظلمات حياتي، إلى ابنتي وقرة عيني ونبض قلبي ...

أمل

مقدمة

الشعر الغنائي

ليست الأغاني أصواتاً من الحناجر إنها تراتيل تنبعث من الأوتار، إنها همسات القلوب واهتزازات الأرواح ، وهي المشاعر المرهفة ، الحارة المتدفقة ، صنعت خصباً لتصل الإحساس الجميل بحلاوة الكلمة واللحن والصوت الشجي الذي يصل للروح يسعدها.

أنا منكم

ولو حقيقي أكون بكم

وبرسمكم بأشعاري

وحبي وكل أفكاري

وأحبيكم بأشعاري

أنا منكم أنا ليكم

بسكنكم في أفكاري

وفي عنادي وإصراري

بدوب بينكم بإحساسي

الشاعرة

فتحية السعيد

عشمانة في كرمك

عشمانة في كرمك يا إلهي
تشملي بعفوك يوم العرض
يا أمر في الكون دة و ناهي
من قبل ما تخلق سما ولا ارض
خد إيدي يارب ونجيني
مين غيرك يقدر يحميني
وانصرني و أموت علي ديني
ومكنش قصرت في فرض

سبحانك علي عرشك باقي
سبحانك انت المعبود
ولا بعدك العين حتلاقي
ولا قبلك كان فيه موجود
العالم من صنع كمالك
ولا ينقص لا ويكثر مالك
وبلمسة من سر جمالك

الحبة بتسجد و العود
في الاول انا ممكن أكون

قصرت في حقك يا غفور
مع انك مديني عيون
بتفرق بين ضلمة و نور
و غواني شيطاني و خلاني
مش قادرة اتحكم في كياني
ولا قادرة أوصفك أحزاني
و انا تاهيه في الأرض البور
بتلهف علي لون الورد

دنیا سعیده

بتمنالک دنیا سعیده
قد ما أنت فایتني وحيدة
شوف ازاي بتمني عشانک
يالي حرمني رضالک وحنانک
بتمنالک دنیا سعیده
بتمنالک تبقي سعيد
لو حتي ما تکنش معايا
حب معاک له شکل جديد

حب عايز له ده الف حکاية
حب بيملأ کل کياني
شوف ازاي بتمني عشانک
يالي حرمني رضاک وحنانک
بتمنالک دنیا سعیده
انا سايبه الحرية لقلبك

زي ما يقولك أراضيه
قلبي ايه هيفيده بقربك
وانت بعيد عنه ونسيه

يمكن وانت بعيد إحساسك
راح ياخذك من اقرب ناسك
و تجيني تقدم اخلاصك
علشان كدة بتمنى عشانك
يلي حرمني رضاك و حنانك
بتمنالكَ دنيا سعيدة

أتمنيت الحب

أتمنيت الحب ألاقيه
و أتمنيت اسهر لياليه
بس يا ألف خسارة يا قلبي
كل دة وهم و عشت أنا فيه
عشت سنين احلم و أتمنى
إني أعيش وياك في الجنة
عدى العمر يا قلبي ولسه
لسه عايزني كمان استنى

انسى يا قلبي الوهم انساه
و انسى الحب عشان نلقاه
أصله ببيجي للي ناسيه
عشت الحب و عشت سنينة
عشت بشوقه و نبض حنينه
بس لقيت في كتير اتظلمة
مع ان قلوبهم شرينوا

وأنا مش قد الحب وسيرته
اسهر ليل احزانة و حيرته
وأسال روجي كل دة ليه
و اتعب قلبي أنا علي إيه
واتمنيت الحب الأقيه

قول علي كيفك قول

قول علي كيفك قول
يا ابو كلام معسول
اصلك مهما تقول
عذرك مش مقبول
قول علي كيفك قول

قول ما هو كله كلام
منه سمعت كثير
عشت معاه ايام
عمري في وهم كبير
اتاريه كذب في كذب
واتاريك من غير قلب
ولا تعرفش تحب
غير نفسك كدة علطول
قول علي كيفك قول

وفر كل كلامك
مش هيفيد دلوقتي
وانا في هواك و غرامك
مش راح اضيع وقتي
و عمر هوايا الباقي
انا هفتح ابوابه
للي شاريني و باقي
اخلى ود وفائي
و اظن دة معقول
قول علي كيفك قول

بركان

بركان بركان بركان
جوانا يا ناس بركان
بيدمر احلي حقيقة
ان الانسان انسان

مع شر و خير بنعيش
و بنجري لحب مفيش
في زمن راح ولا بيغيش
ولا نعرفلوش عنوان

جوانا سؤال بيحير
الناس ليه كدة تتغير
وفي لحظة بتبيع و بتنسى
العمر بطولة قصير

هو احنا يا ناس مش ناس
فين راح منا الاحساس
ليه بنوقف حراس
علي الحب في كل مكان

ليه منحبش بعضينا
و نمد بحب ايدينا
حتي للي يجرحنا
راح يبغي اكيد زيينا
دأوا بالحب الجرح
و ازرعوا في القلب الفرح
ما هي مش محتاجة لشرح
رجعوا ايامنا زمان
و افتكروا احلي ما فينا
إن الإنسان انسان

هاتلي آخر الكلام

هاتلي آخر الكلام
خليني أروح أنا
نويت تبعد و تنسى
و جاي تدينني حصة
في عجائب الغرام
هاتلي آخر الكلام

هاتلي آخر الكلام
و بلاش تطولة
هندور و تلف ليه
وشك باين عليه
عايز تقولي إيه
نويت تبعد و تنسى
و جاي تدينني حصة
في عجائب الغرام
هاتلي آخر الكلام

أنا سامع ياله قول
ولا الكلام هيطول
ولما أروح أنام
في الحلم أحلله
وأشوف عملت ايه
والي بيحصل ده ليه
تجيني و نعيش و ننسى
و نعيش علي احلى قصة
يمكن في فرصة لسة
و دة عجائب الغرام
هاتلي آخر الكلام

كنت فين يا حب قلبي من زمان

كنت فين يا حب قلبي من زمان
افتكرت و جي تخط علي البيبان
جي ترجع قلبي تاني للعذاب
طب وليه في الوهم سبتة لما داب
ياما آسي من ملامة و من عتاب
من اللي حبة قد حبه باع و خان
كنت فين يا حب قلبي من زمان

جي تجدد المشاعر طب لمين
هو فيه في الدنيا دي لسة مخلصين
دا للي خدنا باديهم نسيونا
من غير منبكي عينهم بكونا
سمعوا ان الحب جرحنا ولا يوم جونا
و دي قصتنا و دي حكايتنا
وكان ياماكان
و كنت فين يا حب قلبي من زمان

ليه ميكنش لقانا بدايه

ليه ميكنش لقانا بداية
ما اتفرقنا أنا و أنت كفايه
والأحزان مش عايزة تسببنا
ياللا نعيش أيامنا الحلوة
ونصور ليالينا في غنوة
غنوة حب تعيش ويانا
ليه ميكنش لقانا بدايه

قلبي و قلبك لما اتقابلوا
كان الحب بيجمع بينهم
و إن ضاع شوقنا في إيه بعدة
جوة قلوبنا هيطنهم
نرسم ليه بايدينا نهايه
ده انت حكيتك والله حكايه
ليه ميكنش لقانا بداية

ليه بنسيب العمر يعدي
و الايام تفضل و خدانا
و يضيع منها اللون الوردي
و احنا لسه في عز هوانا
ليه ميكنش الفرحة نصبنا
كفاية سنين حرمان و يانه
ليه ميكنش لقانا بدايه

أعلنت الحب عليك

إنذار مبعوت لعنيك
اعلنت الحب عليك
و هخلي الشوق يوميا
يعمل غارة يصحيك
دة قرار مش هرجع فيه
حبك اجبرني عليه

اعلنت الحب عليك
قلت له بهدوء نتفاهم
قال لأ ومن غير ليه
ولقيت القلب في ثورة
وقعدنا عملنا مشاورة
قررنا نقوم بمناورة
نبعت إنذار لعنيك
أعلنت الحب عليك

هبت اسطول حنية
مليان صواريخ وردية
و اذرع الغام احساس
جوه في قلبك يا عنية
وان قلت لي نعمل هدنة
هقبل طلبك يا حبيبنا
علي شرط انك توعدنا
قلبك يجي علي اديك
وأشهد قلبي عليك
أعلنت الحب عليك

مشوار الحب

مشوار الحب انا مش قدة
وبخاف قوي ليزيد عن حدة
اعمل معروف وكفايه غرور
انا طير مجروح بجناح مكسور
لو قلت هطير راح ابقى اسير
و يخذني هواك في الهوا و ندور
مشوار الحب انا مش قده

انا شوفت كتير ويا الاحباب
من قبل هواك ما يدق الباب
ولاقيت خاينين مافهمش حنين
ضيعت سنين العمر عذاب
ويا الاحزان من غير اسباب
وياريتك تكسب فيا ثواب
وبلاش الحب يذدني عذاب
ولا اقول راح فين ولا اعيش سواح

وفقلبي جراح من غير اسباب
ويزيد كدة عن حدة
مشوار الحب انا مش قده

منكرش حقيقي انت حنين
وعذاب الحب مهوش هين
هتروح لبعيد وتفوتني وحيد
وهشوف او هام ودموع و آلام
خايفة الايام بكرة تبين
مشوار الحب انا مش قده

أحبابنا

أحبابنا جاتلنا تصالحننا
و الهنا هيداوي جروحنا
و ينسينا جرح زمان
كنا بنبكي فيه لجروحنا

واما الليه الحب قابلنا
و فتح قلبة و اتكلمنا
حسيت ان الليله دي عيدي
وكل نجوم السما جيلنا
وفرح الدنيا جه يفرحنا
و يناسينا جرح زمان
كنا بنبكي فيه لجروحنا
احبابنا جاتلنا تصالحننا

تعرفوا ان الحب جميل
وان معاه العمر طويل
حتي بكل عذابه و حيرته
نلقى قلوبنا اليه بتميل
وبنتمني يجي صباحنا
و بنورة تنور افرحنا
و ينسينا جرح زمان
كنا بنبكي فيه لجروحنا
احبابنا جاتلنا تصالحنا

عالم ثاني

كل ما أحاول اني افرق
بين أفراحي و بين احزاني
ولي أنا شوقته في كل حياتي
اعرف إن الحب فارقنا
بيننا و بينة عالم ثاني
نفسى تخدني بعيد يا زمانى
و تنسينى دموع أحزاني
كان الحب بيملا قلوبنا
لهفة و فرحة و شوق و أمانى
و يدوبنا و بعد ما دوبنا
إحنا بقينا في عالم ثاني
كان الود يهد ما بيننا
كل جبال الخوف و يعدي
والى يحب يسال نفسة
مين بقى اللي محبش قدي

كان الخوف و الحزن ناسينا
كنا بنسال علي بعضينا
مين دلوقتي هيسال فينا
و نشوف بعض ولو لثواني
كان الحب بيملأ قلوبنا
لهفة و فرحة و شوق و امانى
و يدوبنا و بعد ما دوبنا
إحنا بقينا في عالم تانى

مكتوب لنا

هو العذاب مكتوب لنا
مفروض علينا في عمرنا
لما البداية تصبح نهاية
إزاي هيكبر حبنا
هو العذاب مكتوب لنا
و العمر لما نضيعة
بنبكي ليه و نقول بكينا
و الفرحة لما نودعة
تفتكر يسال علينا

و الحب ليه يضيع غلط
و كل شيء بنا اختلط
و الفرحة تبقي عايشة
وسط دمة من عنينا
هو العذاب مكتوب لنا

اسمعني لحظة بسالك
الحب إيه بالنسبة لك
بتشعر بقلبك امتاك
كل القلوب تهون عليك
و ف قسوتك ماليك مثيل
بتحب ليه من غير دليل
قال واحنا سلمنا أمرنا
هو العذاب مكتوب لنا

انت و ضميرك

انت و ضميرك انت و ضميرك
 يالي القلب محبش غيرك
 حسلمك قلبي و روعي
 و اداوي جرحي بجروحك
 وأصون هواك و اصبر معاك
 وان بعثتي كتر خيرك
 عمري م قلت لحد بحبك
 ولا سلمت إلا لقلبك
 ده أنا بوصل للسما وأنا جنبك
 و بحس إن القلب أسيرك
 همشي معاك في طريق مجهول
 يمكن بعد الصبر انول
 و امشي وأشوف بعنيك الدنيا
 وبحبك هتحدى الدنيا
 ولا اصدق ولا هسمع غيرك
 انت و ضميرك

نفضها سيرة

ياريت يا قلبي نفضها سيرة
و بلاش عذاب الهوي و الحيرة
يجرحنا و احنا الي نحايله
و نشكي من كتر عمايله
و ابقى جوة العين شايلة
منشوفش غير التكشيرة
ياريت يا قلبي نفضها سيرة

اياك يا قلبي الاقيلك حيران
او تشكي مرة من الحرمان
و كل مرة تقول راح اتوب
الاقيلك في بحر هواك هيمان
و تزيد محبة و شوق و حنان
ياريت يا قلبي نفضها سيرة

معقول يا قلبي انا هونت عليك
ترميني جوه النار باديك
و هو فين ده الي انت عشان
سهران بتبكي بدمع العين
وياريت حاسس بي وبيك
وياريت حاسس بالحيرة
ياريت يا قلبي نفضها سيرة

حمد له يا غالي

حمد له يا غالي علي سلامتک
من لحظة يا دوب کنا في سيرتک
بنقول انسان ومفیش منه
ولا نستغناش ابدًا عنه
احساسه اکبر من سنه
کل ده قلناه والله في غيبتک
حمد له يا غالي علي سلامتک

يارب ما تبعد ابدًا ثاني
ده حقيقي علينا انت الجاني
ده بعاذك دايمًا يشغلنا
و يضيع العمر في مراسلنا
و الدنيا ما تساوي بعاذك

يا أبو بسمه رقيقة ترد الروح
وحقيقي دايمًا كدة بحبوح
ولافيه اتنين ابدا زيك
مطرح مطروح كله حبايبك
والناس كلها عارفين طبعاك
حمد له يا غالي علي سلامتاك

يا ابو قلب كبير يا ابو طبع حنان
يا ملاك الحب في ثوب انسان
و احنا من غيرك مش عايشين
و اللحظة في بعدك تسوى سنين
وادينا شويه من وقتك
حمد له يا غالي علي سلامتاك

حقيقي بجد وحشاني

حقيقي بجد وحشاني
يا ساكنة قلبي وكياني
يا ساكنة روحي جاوبيني
بنادي عليكى سمعاني
حرام البعد يكويني
و تنسى عنىكي عنواني
حقيقي بجد وحشاني
نداك الحب وناداني
وجريت عليكى بحناني
ولما تغيبى عن عيني
ألاقي الفرح ينساني
وأعيش في الدنيا وحداني
و أتمنى أقابلك من تاني
يا بري و بحري و سمايا
يا نهر بيروي إحساسي
بحبك قلنتها بقلبي

وأتمني أقولها بلساني
قلبك مليان أمل وحنان
و صوتك نغم للالحان
يا روح الشاعر الفنان

لحظة في عمري

كانت أجمل لحظة في عمري
وفرحة حقيقي كبيرة عليا
ومصدقتش يومها انا نفسي
عايزة اكذب حتي عنية
بعد الشوق ما تعبني معاه
بعد ما قلت خلاص حنساه

ألقاه جي بفرحة عليا
ياما الفكر كثير سهرني
لاكن مقدرش يغيرني
وأنا محتاج للي يصبرني
يا ما اخدني الشوق لبعيد
وأنا سهران والقلب وحيد
أسأل نفسي قدر ينساني
ولا خلاص راضي بحرمانني
وبعد ده كله أشوفك تاني

مر شريط الماضي وشفتك
زي ما شوفتك أول مرة
لحظة حب وفيها صادفتك
قلت بحبك مليون مرة
واستنيت ب الحب ده كله
وأسأل مين يوصله يقوله
ولاقيت حبك ملك اديا
ولاقيتاك جي بفرحة عليا
فرحة حقيقي كبيرة عليا

لا للإرهاب

«بيسألوك يا مصر»
ابنك ده لا مش ابني
ابنك دة لا مش ابني
اللي يفكر يوم يهدمني
واللي بغدره و جهله يصبني
واللي يطاوعة
قلبه و إيده
ترضي تهد مكان ما بيبيني
مبيقاش ابدأ ابني

ابني حقيقي رافع رايتي
ومشرفني في كل مكان
أنا وصيئة كثير ووصايتي
انه يعيش و يموت انسان
وسط الموج يبقى معداوي
و المجروح بيقاله مداوي

اضحك قلبه يقوللي غناوي
ولا يمشيش في طريق الشر
ولا يخضعش لشيء مضطر
فلاح مصري
رمل الصحرا تشوفه
قلبها من جواها يخضر
هو ده ابني هو ده ابني

قلبي علي ولدي

قلبي علي ولدي انفطر
وقلب ولدي من حجر
تعالى ياابني ودني
قبل الزمان ما يهديني
والعود يقرب ينحني
و تغرقه نقطة مطر

مين الي ذلك علي العصا
ده البعد اقسى من العصا
ناديني امشي علي الحصى
واجي شايملك القمر
قلبي علي ولدي انفطر
وقلب ولدي عليا حجر

عملت من جلدي قلوب
وصوابعي قيدها شموع
يسقيني ليه هو الدموع
و يعلم القلب السهر
قلبي علي ولدي انفطر
وقلب ولدي عليا حجر

قالي تعالى

قالى تعالى قلت وماله
 نحلم سوا بالهوى وجماله
 ونقيد أحلى شموع ليالينا
 ونطير سوا من مينا لمينا
 حتى العمر إن ضاع أمانينا
 راح يدينا عمر بداله
 أنا ماخترتش ولا فكرتش
 وبخطوينا حنوصل فين
 دا أنا مارتحتش غير وياه
 وهو الدنيا بالنسبة لى
 رحت لقيت مرسوم فى عنيه
 أحلى غرام احترت أنا فيه
 واللى شغلنى أكثر بيه
 طرح الحب فى قلبه حنان
 أنا مشتاقله بقالى زمان
 من كتر حنانه غير حالى

باسم الله

أبدء يومك باسم الله
وأرمني تكالك على مولاك
مهما حتطلب أو تتمنى
اللى بتتمناه حتلقاه
وأبدء يومك باسم الله
سمى تلاقى الصعب يهون
تلقى القلب القاسى حنون
وأخلص ده الإخلاص ده عبادة
واسمع لضميرك لو نادى
وأوعى الحق فى يوم تنساه
أزرع خير على عتبة بابه
وأحسن عملك تلقى ثوابه
خضرة رمل الصحرا بإيدك
والطير يرقص على توحيدك
بعد سجودك كل صلاة
ابدأ يومك باسم الله

من غير عتاب

رجعت تاني بعد الغياب
أهلا ياروحى من غير عتاب
مش حسألك ولا أكلمك
وكفاية فى عنيك الجواب
أهلا ياروحى من غير عتاب

فانت سنين وأنا بستنى
عندى الأمل يوم اتهنى
أشوف حبيبى من تانى
وأفرح بنوره وأتمنى
أهلا ياروحى من غير عتاب

ظلمتنى ورضيت بظلمك
هجرتنى ورضيت بهجرك
ورجعت تانى بعد الغياب

متفتكرش فى مرة نسيت
لياالى حبك وحنائك
ومدام لوحذك رحت وجيت
أنا ليه أزود أحزانك
ياصورة دايمافى خيالى
ماتغيش ابدافى بالى

تعالی ننسی بعضنا

تعالی ننسی بعضنا
مدام ظلمنا حبنا
وكفاية راحت كام سنة
ما بين خصامنا وبعدا
مش نبقي ظالمين نفسنا
تعالی ننسی بعضنا

على كل كلمة نتعاتب
وعلى كل همسة نتحاسب
وليل طويل يستنانا
وفجر عمره ما هنانا
مش نبقي ظالمين نفسنا
تعالی ننسی بعضنا

لما أتعهدنا على الهوا
مش قولنا ننتهنا سوا
أيه اللي غيرنا كده
ليه القلوب مترددة
وبنخرج ليه من الجنة
ونلاقى غيرنا بيتنها
مش نبقى ظالمين نفسنا
تعالى ننسى بعضنا

طريقك غير طريقى

طريقك غير طريقى
وف بحرك مش حعدي
ياللى كان لك يوم حقيقي
حبك كان غالى عندي
أتاريك زى الليالى
طبعك مالوهش غالى
ياريت تسيبنى فى حالى
كبرنا ع الحاجات دي

ماعدش يفيد كلام
أنا معنى الحب عندي
مش كلمة والسلام
دا شعور وبحس بيه
نادر مش حتلاقيه
وأنت زى الليالى
طبعك مالوهش غالى
ياريت تسيبنى فى حالى

كبرنا ع الحاجات دي
وطريقك غير طريقي
حقيقى كان بودي
نقعد ناخد وندي
أيام الحب اللى كان
أيام ماكان بينا الأمان
قبل زمان البعاد
يعنى بصراحة دلوقتي
كبرنا ع الحاجات دي

إيه العمل

إيه العمل إيه العمل
البدر نوره أكتمل
سألته ليه وحكايته إيه
قالولى إيه بيغير من أمل

أمل الأمورة صغيرة
والأصل أحلى م الصورة
ضحكتها بريئة
طفولتها جريئة
وجمالها حقيقة
أمل الليلة منورة
ولليتها حلوة معطرة
روت قلوبنا بحنية
والدنيا صبحت مش هي
قمر الليالي صبح قمرين
والورد فتح فى البساتين

وجماله نور على الخدين
علشان ميلاد ست الحلوين
فرحت قلوب المدعوين

أيه العمل أيه العمل البدر نوره أكتمل
بعد ماكان الفرح بعيد
جانا وخلي الشمع يقيد
ولما ربنا بيريد
يجلنا من غير مواعيد
ليلة بكل ليالي العيد
والكل فرحان وسعيد
والفرح فيها بشكل جديد
يارب بارك فيها وزيد
أيه العمل أيه العمل البدر نوره أكتمل

إعتراف

باعترف لك حقيقي باعترف
أنك أنت ماتتوصف
أصل مهما وصفت فيك
يبقى برضه قليل عليك
ياللى لما بشوف عنيك
قلبي منى بيتخطف

باعترف لك وبرضايا
إنى عاشقة وروحي فيك
وف صباحى وفي مسايا
لهفتى بتزيد عليك
أعمل ايه ماهو غصب عنى
أصلك أنت حنة منى
ياللى لما بشوف عنيك
قلبي منى بيتخطف

باعترف لك آه بحبك
ليه أخبى وليه أدارى
كله من النظرة البريئة
الى قادت بيها ناري
نار تدفى برد قلبي
نار تزيد شوقى وحبى
ياللى لما بشوف عنيك
قلبى منى بيتخطف

اعتراف مكتوب بخطي
وقلبي ملانى الكلام
قالى فوق الصعب خطي
وأحضنى أجمل غرام
من يومها وعائشة لياك
كل أملى ياروحى فيك

إعترافى مش مجاملة
أصلى عارفة أنت أياه
كل يوم بيملى قلبى
إحساس أنا دايرة فيه
يعنى عايشة الحب جنة
جنة بالحب اللى بينا
يالى لما بشوف عنيك
قلبى منى بيتخطف
باعترفلك حقيقى بعترف

الشاعرة في سطور

- فتحية محمود السعيد.
- مهندسة ديكور.
- عضو رابطة الزجالين وكُتّاب الأغاني.
- عملت فترة بالصحافة.
- عضو في اتحاد الفنانين العرب.
- للتواصل : ٠١٢٢٣١١٨٢٩٥

الفهرس

٣	إهداء.....
٤	مقدمة.....
٥	عشمانة في كرمك.....
٧	دنيا سعيدة.....
٩	أتمنيت الحب.....
١١	قول علي كيفك قول.....
١٣	بركان.....
١٥	هاتلي آخر الكلام.....
١٧	كنت فين يا حب قلبي من زمان.....
١٨	ليه ميكنش لقانا بدايه.....
٢٠	أعلنت الحب عليك.....
٢٢	مشوار الحب.....
٢٤	أحبابنا.....
٢٦	عالم تاني.....
٢٨	مكتوب لنا.....
٣٠	انت و ضميرك.....
٣١	نفضها سيرة.....

٣٣	حمد له يا غالي.....
٣٥	حقيقي بجد وحشاني.....
٣٧	لحظة في عمري.....
٣٩	لا للإرهاب.....
٤١	قلبي علي ولدي.....
٤٣	قالي تعالى.....
٤٤	باسم الله.....
٤٥	من غير عتاب.....
٤٧	تعالى ننسى بعضنا.....
٤٩	طريقك غير طريقى.....
٥١	إيه العمل.....
٥٣	إعتراف.....
٥٦	الشاعرة في سطور.....
٥٧	الفهرس.....